



REPUBLIKA E SHQIPËRISË

BASHKIA POGRADEC

KËSHILLI

Nr. _____ Prot.

Pogradec, më ____ . ____ . 2020

RREGULLORE

“Për llojet e Titujve te Nderit, Kriteret dhe Proceduren e dhënies së tyre”

Neni 1

Baza ligjore

Kjo rregullore hartohet në bazë të Kushtetutës së Shqipërisë neni 113/1, Ligjit nr 139/2015 datë 17.12.2015 “Për qeverisjen vendore” neni 64 dhe 55 pika “k” i tij, ligji nr. 112/2013 “Për Dekoratat, Titujt e Nderit, Medaljet dhe Titujt Vendorë të Nderit në Republikën e Shqipërisë” i ndryshuar, VKM nr 861 datë 10.02.2014 “Për miratimin e rregullave të hollësishme për funksionimin e komisioneve këshillimore për dhënien e, Medaljeve dhe Titujt Vendorë të Nderit në Republikën e Shqipërisë”.

Neni 2

Qëllimi

1. Qëllimi i kësaj rregullore është përcaktimi i llojeve të titujve të nderit që jepen nga Këshilli Bashkiak Pogradec, kriterëve dhe procedurës për dhënien e tyre.
2. Titujt e nderit u jepen personave fizik ose juridik vendas ose të huaj, të cilët kanë një kontribut të shquar në dobi të bashkësisë qytetare, në fushat e ndryshme të jetës: historike, kulturore, sportive, muzikore, artistike, humanitare, etj.

Neni 3

Parime të përgjithshme

1. Dhënia e titujve të nderit, udhëhiqet nga parimet e vlerësimit të kontributit, meritokracisë, transparencës dhe mirënjohjes publike.
2. Përfitimi i një titulli nderi nuk është një e drejtë dhe nuk mund të kërkohet si e tillë, në rrugë individuale apo institucionale.
3. Personi që ka marrë një dekoratë nga Presidenti i Republikës nuk mund të përfitojë më vonë në kohë një titull nderi, medalje apo titull vendor nderi.
4. Kjo rregullore aplikohet për titujt e nderit, dhënia e të cilëve nuk rregullohet me një akt tjetër ligjor.

Neni 4

Llojet e titujve dhe përshkrimi i tyre

Titujt e nderit jepen nga Këshilli Bashkiak dhe Kryetari i Bashkisë.

1. *Titujt e nderit që jepen nga Këshilli Bashkiak :*

- **Qytetar Nderi**

- a- çdo personaliteti shqiptar ose të huaj për veprimtari të shquar në dobi të Bashkisë ose për veprimtari për mbrojtjen dhe promovimin e vlerave të saj.
- b- Personaliteteve të shquara që kanë dhënë kontribut të spikatur dhe që kanë lënë gjurmë në Bashkinë e Pogradecit
- c- Qytetarë të Pogradecit që kanë dhënë kontribut të shquar në Shqipëri dhe jashtë saj.

Akordimi i këtij titulli bëhet në përputhje me parashikimet ligjore të përcaktuara në Ligjin nr.112/2013 “Për Dekoratat, Titujt e Nderit, Medaljet dhe Titujt Vendorë të Nderit në Republikën e Shqipërisë”, dhe aktet nënligjore në zbatim të këtij ligji.

- **Krenaria e Qytetit**

Ky titull u akordohet personave fizik apo juridik, vendas që kanë kontribut të pasur në dobi të bashkësisë qytetare, që kanë lënë gjurmë në Bashkinë e Pogradecit , nderojnë qytetin dhe më gjërë

- **Mirënjohja e Qytetit**

Ky titull u akordohet personave fizik apo juridik, vendas ose të huaj që kanë kontribut të pasur , në fushat e ndryshme të jetës: kulturore , historike , sportive, humanitare etje.

2. *Kryetari i Bashkisë jep titujt :*

- **Çelsi i Qytetit**

- a. Personaliteteve të huaja dhe shqiptarë që vizitojnë zyrtarisht Bashkinë Pogradec.
- b. Personaliteteve të larta të vendit , President , K/Ministër në rast të një vizite posacërisht në Bashkinë Pogradec.

- **E ardhmja e qytetit**

Ky titull u akordohet të gjithë të rinjve të shquar brënda dhe jashtë vendit në fusha të ndryshme. Nxënësve apo studentëve që mbarojnë me medalje të Artë shkollën e mesme dhe studimet e larta Universitare.

Neni 5

E drejta e propozimit për dhënien e titujve të nderit.

Propozimi për dhënien e titujve të nderit mund të bëhet nga :

1. Jo më pak se 1/3 e numrit të përgjithshëm të anëtarëve të Këshillit Bashkiak.
2. Kryetari i Bashkisë
3. Drejtues të institucioneve rajonale.
4. Organizata jofitimprurese vendase ose të huaja.
5. Drejtues te Institucioneve të arsimit të lartë.
6. Jo me pak se 100 shtetas me të drejtë votë me vendbanim në Bashkinë Pogradec

Neni 6

Procedura e propozimit dhe dokumentacioni shoqërues.

1. Propozimi duhet të dërgohet jo më vonë se 90 ditë kalendarike përpara datës së propozuar për dhënien e titullit në sekretarinë e Këshillit Bashkiak, me përjashtim të rasteve të veçanta kur respektimi i këtij afati është bërë objektivisht i pamundur.
2. Në aktin e propozimit përcaktohen :
 - a) autoriteti propozues dhe baza ligjore për propozimin.
 - b) CV e personit të propozuar;
 - c) arsyet e hollësishme që çojnë në propozimin e personit;
 - d) vërtetimi se personi i propozuar nuk është dënuar ndonjëherë për shkelje të rënda të ligjit ose nuk është nën hetim;
 - e) letër rekomandimi nga një institucion i të njëjtës linjë me të cilin është i lidhur aktiviteti profesional apo njerëzor i personit të propozuar;
 - f) materiale dokumentuese që dëshmojnë për arritjet e personalitetit gjatë jetës së tij, si botime ,çertifikata, diploma, fletë falenderimi ose mirënjohje etj, te cilat ndihmojnë këshilltarët të kenë një informacion më të plotë të propozimit për dhënien e titullit;
 - g) deklaratë e personit të propozuar që nuk i është akorduar më parë një titull tjetër i nivelit më të lartë se ai vendor;
 - h) çdo propozim për dhënie titulli duhet të shoqërohet me motivacionin përkatës në mënyrë të përmbledhur, motivacioni i cili rishqyrtohet nga komisioni përkatës.

Neni 7

Procedura e shqyrtimit të propozimit

1. Komisioni Këshillimor për dhëniën e titujve vendor të nderit në Bashkinë Pogradec verifikon nëse akti i propozimit përmban të gjitha elementët e procedurës dhe dokumentet shoqëruese.
2. Në rastin kur Komisioni vëren mangësi në dokumentacion ose kërkon informacion shtesë, propozuesit i kërkohet plotësimi i dokumentacionit brenda 15 ditëve kalendarike nga data e marrjes së propozimit, plotësimi i tij nga autoriti propozues. Plotësimi i propozimit bëhet jo më vonë se 15 ditë kalendarike nga data e marrjes së njoftimit.
3. Nëse propozimi është i plotë, komisioni paraqet mendimin e tij me shkrim para Këshillit Bashkiak brenda 30 ditëve nga data e marrjes së propozimit.
4. Procedurat për shqyrtimin e dhënies së një titulli nderi nuk mund të zgjasin më shumë se 60 ditë kalendarike.
5. Procesi i shqyrtimit të propozimit mund të shtyhet apo të pezullohet përkohësisht për rrethana të paparashikuara, që dëmtojnë reputacionin dhe vlerën e aktit të dhënies së titullit vendor të nderit në opinionin publik, deri në sqarimin e këtyre rrethanave.

Neni 8

Miratimi i propozimit

1. Këshilli Bashkiak është autoriteti përgjegjës për miratimin ose jo të propozimit për dhënien e titullit të nderit.
2. Votimi për dhënien e titujve të nderit bëhet i fshehtë sipas përcaktimeve të nenit 55 pika 1, të Ligjit nr.139/2015 “Për vetëqeverisjen vendore”.

Neni 9

Refuzimi i propozimit

Propozimi refuzohet kur:

1. Kur propozimi për dhënie e titullit vendor të nderit nuk miratohet , Komisioni Këshillimor për dhënie e titujve vendor të nderit në Bashkinë Pogradec bën njoftimin autoritetit propozues për mosmiratim.
2. I njëjti propozim nuk mund të bëhet pa kaluar 1 vit kalendarik nga njoftimi i refuzimit të propozimit.

Neni 10

Çertifikata e akordimit te titullit

1. Çertifikata për akordim titujve është e formatit A4 dhe shoqërohet me simbolet e qytetit.
2. Çertifikatat për titujt e aprovuar nga Këshilli Bashkiak nënshkruhet nga Kryetari i Këshillit Bashkiak dhe vuloset me vulën e Bashkisë Pogradec .
3. Çertifikatat për titujt e aprovuar nga Kryetari i Bashkisë nënshkruhet nga Kryetari dhe vuloset me vulën e Bashkisë Pogradec .

Neni 11

Ceremonia e dhënies së titullit

1. Ceremonia e dhënies së titullit organizohet nga institucioni propozues në bashkëpunim me sekretarinë e Këshillit Bashkiak brenda 30 ditëve kalendarike nga miratimi i tij.
2. Dhënia e titullit bëhet me ceremoni publike / jopublike.
3. Titujt e nderit e jep kryetari i Këshillit Bashkiak ose persona te autorizuar nga ai si dhe Kryetari i Bashkisë (për titujt e aprovuar prej tij)
4. Titulli i nderit i jepet personit te cilit i akordohet. Në rast dhënie titulli pas vdekjes, titulli i jepet familjareve të personit.
5. Si rregull , dhënia e titulli duhet të jetë e lidhur me përvjetorë e ngjarje të rëndësishme historike , kulturore si dhe me festat kombëtare.
6. Çasti i dorëzimit të titujve të nderit mund të shtyhet apo të pezullohet përkohësisht , nëpërmjet të njëjtit akt me të cilin është dhënë fillimisht për rrethana të paparashikuara, që dëmtojnë reputacionin dhe vlerën e aktit të dhënies së titullit vendor të nderit në opinionin publik, deri në sqarimin e këtyre rrethanave.

Neni 12

Evidentimi i titujve te nderit

Të gjithë titujt që jepen nga Keshilli Bashkiak evidentohen në një regjistër të vecantë, i cili administrohet nga sekretaria e Këshillit Bashkiak.

Neni 13

Hyrja ne fuqi

1. Kjo rregullore hyn në fuqi sipas përcaktimeve të nenit 55 të Ligjit nr.139/2015 “Për vetëqeverisjen vendore”.

K R Y E T A R I

Ilir XHAKOLLI



REPUBLIKA E SHQIPËRISË

BASHKIA POGRADEC

KËSHILLI

Nr. _____ Prot.

Pogradec, më ____ . ____ . 2020

VENDIM

NR. ____, DATË ____ . ____ . 2020

PËR MIRATIMIN E RREGULLORES

“Për llojet e Titujve të Nderit, Kriteret dhe Procedurën e Dhënies së tyre”

Këshilli Bashkiak Pogradec në mbledhjen e tij të datës ____ . ____ . 2020, me propozim të Kryetarit të Komisionit Këshillimor për dhëniën e Titujve Vendor të Nderit në Bashkinë Pogradec , mbështetur në Ligjin nr 139/2015 “Për vetqeverisjen vendore”, neni 64 dhe 55 germa “k” e tij , ligjit nr. 112/2013 “Për Dekoratat, Titujt e Nderit, Medaljet dhe Titujt Vendorë të Nderit në Republikën e Shqipërisë” i ndryshuar, VKM nr 861 datë 10.02.2014 “ Për miratimin e rregullave të hollësishme për funksionimin e komisioneve Këshillimore për dhëniën e Medaljeve dhe Titujve Vendor të Nderit në Republikën e Shqipërisë:

V E N D O S I:

1. Miratimin e Rregullores “Për llojet e titujve të nderit, kriteret dhe procedurën e dhënies së tyre“, sipas lidhjes bashkëlidhur.
2. Për zbatimin e këtij vendimi ngarkohet Komisioni Këshillimor për dhëniën e Titujve Vendor të Nderit në Bashkinë Pogradec.

KRYETARI I KËSHILLIT

Sotiraq MANGËRI